

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS

SISWATI LULWIMI LWEKUCALA LWEKWENGETA (FAL)

LIPHEPHA LEKUCALA (P1)

2016

EMAMAKI: 80

SIKHATSI: Ema-awa 2

Leliphepha linemakhasi la-14.

TICONDZISO KULABAHLOLWAKO

1. Leliphepha lehlukaniwe TIGABA LETINTSATFU:
SIGABA A: Siviso (30)
SIGABA B: Sifinyeto (10)
SIGABA C: Luhlelo nekusetjentiswa kwelulwimi (40)
2. Phendvula YONKHE imibuto ngeSiswati.
3. Cala LESO NALESO sigaba ekhasini LELISHA.
4. Dwebela ekugcineni kwaleso NALESO sigaba.
5. Tinombolo tetimphendvulo atihambisane naleto letisephepheni lemibuto njengobe tinjalo.
6. Shiya umugca emkhatsini wetimphendvulo takho.
7. Caphelisisa sipelingi/lupelomagama nendlela lewakha ngayo imisho.
8. Kwehlukaniwa kwesikhatsi:
SIGABA A: Emaminithi 50
SIGABA B: Emaminithi 30
SIGABA C: Emaminithi 40
9. Bhala ngebunono nangesandla lesifundzekako.

SIGABA A: SIVISISO**UMBUTO 1**

1.1 Fundza lethekesthi lelandzelako bese uphendvula imibuto letawulandzela.

ITHEKSTHI A**KUKLONYELISWA KWAMDZELWA**

- | | | |
|---|---|----------------|
| 1 | Umuthi wakaMvundla bewakhiwe edvute nemfudlana iNkhololo edvute nelibhuloho. Umuntfu lobekadlula kulelibhuloho bekatsi nakaphosa emehlo abone lusizi lodvwa nangabe awubuka ngobe bewungatsi yindlu yatsekwane kumbe kutalela tinyoni. KaMvundla bekuhlala mkhulu Mvundla nemntfwanakhe wemfana, Mdzelwa. Banyenti lebebatsi nabendlula kulelibhuloho bakhombane ngalomuti, kushe luhleko basho nekutsi mhlazana kuyewugcwala lomfudlana emanti atawemuka nabo. Labanye bebawuhawukela lomuti. Mdzelwa abengumfana lokhutsele. Bekasebenta enkampanini lebeyenta tingubo tangalapha eBuhleni, kepha lomsebenti abengawutsandzi ngobe abesebenta ahleli phasi sikhatsi lesidze. Lebekakutsandza kakhulu bekukubukana nemlilo nobe usha uvutsa emalangabi langakanani. | 5
10 |
| 2 | NgaLesihlanu sikhungo seticishamlilo Kabhokweni sacecesha bantfu labasha labangemashumi lamatsatfu nemfica njengeticishamlilo. Mdzelwa naye bekayincenye yalabaceceshiwe esiteshini Kabhokweni. Bandile Khabako imeya yenzawo wakhuluma emcimbini lohleliwe watsi: 'Namuhla setfula licembu lelisha leticishamlilo, loku kutawutfufukisa kuphepha edolobheni nasemakhaya.' Kulelicembu laboMdzelwa bekunesibalo salabasikati labasitfupha. 'Bengisolo ngifisa kwenta umsebenti lotanginyakatisa ngingahlali phasi sikhatsi lesidze,' kusho Mdzelwa. | 15
20 |
| 3 | Akuphelanga malanga mangaki bacalile kusebenta boMdzelwa, kwatseleka indvodza itewubika kwekutsi dzadzewabo uvaleleke ebhilidini lelishako. Kulaba labasebenta naboMdzelwa kute namunye lowayinaka lendvodza. Lombiko walendvodza wamtsintsa emoyeni Mdzelwa wakhumbula kutsi umsebenti wakhe kutsi aphephise timphilo tebantfu. Kwefika kuye kutsi lincane litfuba lekusindzisa lowo muntfu. Watsatsa imishini yakhe yekuphefumula entfutfwini, wagcoka tingubo takhe tekuvikela emalangabi, wabamba indlela. Nguye loya angena endlini lenelilangabi lelibovu lemlilo, entasi intfutfu itse nkhu akubonakali lutfo. Kumnyama khwishi! Mdzelwa uyaphutsata ngetandla wetama kuffola lolomsikati lekutsiwa usekhatsi. Ngemusa weNkhosi wamtfola alele phasi, wambamba wamdvonsela ngaphandle. Kwamangala linyenti lebantfu lebelime khashane litfwele tandla enhloko lekhuta umhlolo. Belingasekho litsemba lekutsi kwanaye Mdzelwa utawuphuma kulamalangabi. Mdzelwa waphuma angakashi ngisho nakancane. | 25
30
35 |

4	Luphahla lwendlu lwaselunyakata selufuna kuwa. Wakhwasha nalona lomsikati lobekangasaphefumuli kahle, wetama kumsita kwekutsi aphefumule ngendlela ye-CPR kwate kwefika i-ambulensi. Belusito lwekucala bona bamtsatsa bamfaka imishini ye-oksijini bahamba naye bamphefumulisa bamphutfumisa esibhedlela.	40
5	Emuva kwemalanga lamabili elashwa esibhedlela saseMbhuleni bodokotela babona kuncono adluliselwe esibhedlela lesikhulu saseJozi, iBharagwane ngobe bekashe kakhulu nentfufu seyimlimate ngekhatsi emtimbeni. Welashwa khona inyanga yonkhe, elashwa bodokotela labasezingeni lelisetulu bakuleli laseNingizimu Afrika wate welulama. Ngendlela abeshe ngayo, abengasakwati kutihambela ngetinyawo takhe. Kwatsi nakufika lusuku lwekubuyela emuva ekhaya, bodokotela bamnika incola yekuhamba. Wabuya sekahamba ngayo. Sibindzi saMdzelwa samangalisa bantfu bakuleyo ndzawo. Umnakabolomuntfu lomsikati lowasha, wabonga Mdzelwa kutsi lokungenani ukwatile kumkhipha emlilweni bakwati nekutibonela yena asesibhedlela nanobe sekabuyile ekhaya.	45 50
6	Imeya yelidolobha isandza kumklomelisa Mdzelwa ngemedali yekuba nesibindzi nekutinikela lokungaka ngekuhlenga imphilo yalomunye umuntfu. Lomklomelo lawunikiwe usezingeni lelisetulu. Uvamise kutfolwa bantfu labangemachawe labasuke bente lokungaketayeleki, bantfu labente ngetulu kwaloko labacashelwa kona. Ngetulu kwaloko wanikwa nesitifiketi sekumdvumisa ngesento sakhe asandza kuceceshwa. Sento sakhe satiwa naticishamlilo taseNgilandi. Phela loko kwabangwa kutsi labodokotela basesibhedlela saseBharagwane bafune kwati kutsi ngubani lowahlenga lona lomsikati kulelibhilidi. Timfamona letacala naye kusebenta atisambuki ngemehlo lamahle. Manyenti emagama lesekabitwa ngawo lapha emsebentini.	55 60


[Itsetfwe ephephandzabeni Lilanga laseNatali lamhla ti-23 iNhlaba, Likhasi 30, 2013]

- 1.1.1 Khetsa YINYE imphendvulo. Bangaki bantfu labadvuna labaceceshwa kulelicembu leticishamlilo? Bhekisa imphendvulo yakho etheksthini lengenhla.
- A Bangemashumi lamatsatfu nakutsatfu.
B Bangemashumi lamatsatfu nemfica.
C Bangemashumi lamatsatfu nakubili.
D Bangemashumi lamatsatfu nakunye. (1)
- 1.1.2 Bhala indzawo lapho umuti wakaMvundla bewakhiwe khona? (1)
- 1.1.3 Nika sizatfu lesenta kutsi umuti wakaboMdzelwa bantfu bawuhleke? Bhekisa imphendvulo yakho kuletheksthi lengenhla. (1)
- 1.1.4 Lomklomelo lowatfolwa nguMdzelwa uvame kutfolwa bantfu labanjani? (1)

- 1.1.5 Kuceceshwa kwalaba beticishamlilo bekutawuletsa luphi lusito emmangweni? (2)
- 1.1.6 Yini leyafike yentiwa belusito lwekucala? Bhala KUBILI. (2)
- 1.1.7 Ucabanga kutsi yini leyabangela lona lomsikati kutsi ayiswe esibhedlela saseBharagwane? (2)
- 1.1.8 Bhala tintfo LETIMBILI Mdzelwa lanikwa tona yimeya emva kwekuhlenga lona lomsikati. (2)
- 1.1.9 Bhala MIBILI imisebenti lebeyisetjentwa nguMdzelwa lebalwe kuletheksthi lengenhla. (2)
- 1.1.10 Ngekubona kwakho yini leyabangela kutsi lendvodza lebeyitewucela lusito inganakwa ngulaba labacisha umlilo? (2)
- 1.1.11 Bhala tintfo LETIMBILI letasetjentiswa nguMdzelwa kusindzisa lolomsikati letikuletheksthi lengenhla. (2)
- 1.1.12 Kungumbono nobe kuliciniso yini kutsi nangabe ukhule uhlopheka ugcina sewuphila kahle? Sekela imphendvulo yakho. (2)
- 1.1.13 Kube bekunguwe Mdzelwa bewungatinikela yini kulelibhildi lebelisha ngalendlela, nawufundza letheksthi lengenhla? (2)
- 1.1.14 Ngusiphi sifundvo lositfola nangabe ufundza letheksthi lengenhla? Sekela imphendvulo yakho. (2)

1.2 Fundzisisa lesibonwa bese uphendvula imibuto letawulandzela.

ITHEKSTHI B



[Itsetfwe kuMove, 2 Inkhwekhweti 2012]

- 1.2.1 Khetsa imphendvulo yakho. Shano ingoti lengahle ivelele lomntfwana losesitfombeni lesingenhla.
- A Ingoti yekudvonswa yindvwangu.
B Ingoti yekushiswa litiya.
C Ingoti yekuwiswa litafula.
D Ingoti yekuwiswa liwashi. (1)
- 1.2.2 Lelitya lelinatfwa lapha kulesibonwa langasiphi sikhatsi? (1)
- 1.2.3 Kukhona lokungafani kulabomake lababili? Nika KUBILI kwaloko. (2)
- 1.2.4 Nika KUBILI lokungekho etafuleni kantsi kutidzingo nangabe kunatfwa litiya. (2)

SAMBA SESIGABA A: 30

SIGABA B: SIFINYETO**UMBUTO 2**

Fundza lethekesthi lelandzelako bese ubhala tintfo letisikhombisa letimayelana nemasu ekufundzela kuphasa.

TICONDZISO

1. Bhala emaphuzu LASIKHOMBISA ngemisho legcwele ngemagama LANGENGCI kula-60.
2. Imisho yakho ayibe netinombolo kusuka ku-1 kuya ku-7.
3. Bhala liphuzu LINYE emshweni ngamunye.
4. Sebentisa emagama AKHO.
5. Khombisa linani lemagama lowasebentisile ekugcineni kwesifinyeto uwafake kubakaki.

ITHEKSTHI C**EMASU EKUFUNDZELA KUPHASA**

Manyenti emasu lasebentako ekufundza nekutadisha kute umuntfu aphumelele etifundweni takhe. Nankha-ke lamanye emasu lesingawasebentisa kute siphumelele etifundweni tetfu. Tetayete kutsi ubukane netincwadzi ngesikhatsi lesifanako malanga onkhe. Nangabe kufanele kutsi ucale kufundza ngensimbi yesitfupha ntsambama, zama kukwenta loko tinsuku tonkhe.

Kubalulekile kuba ngumuntfu lotekhutako ngaso sonkhe sikhatsi. Nangabe ufundza, tekhute ekusebentiseni makhalekhikhini, ngobe uyaphazamisa nangabe utadisha. Kungaba ncono kutsi uwuvale kunekutsi ukhulumisane nebangani bakho ucitse sikhatsi sakho ngekucoqa ngema-WhatsApp kunekutsi ubukane netifundvo takho.

Caphela bangani lababi labetele kutsi nitewucoca ngetintfo letinyenti letingakaphatselani nekufundza, lokufana nekucoca ngetintfombi letinhle, bafana lababukekako, bantfwana labampofu, labangagcoki kahle nangekucoqa ngabothishela labasebentako kodvwa bangenayo imali.

Fundza kakhulu leto tifundvo letikunika bumatima. Fundza letifundvo onkhe malanga uphindze wente nemanotsi. Ungasebentisa emaphepha eminyaka leyedlulile.

Titfolele indzawo lete umsindvo, lepholile longete waphazamiseka kuyo. Esikhatsini lesinyenti akufundzeki endzaweni lenebantfu labanyenti. Loko kwenta kutsi wetaye kufundza uwedvwa ngobe nasekupheleni kwemnyaka utawubhala uwedvwa. Nangabe ufundza uwedvwa uba nelitfuba lekufundza uphimisele ungesabi lutfo kutsi kukhona bantfu labatakuhleka.

Kubalulekile kubhala phasi konkhe lokufundzako ngendlela lefinyetiwe ngobe nangesikhatsi sekuhlolwa kuyawudzingeka kutsi imibuto yakho uyiphendvule ngekyibhala phasi. Ngaso sonkhe sikhatsi hlala unelipeni neliphepha lekubhalela. Nangabe kukhona imibuto lemayelana naleso sifundvo lobukene naso yibhale phasi netimphendvulo takhona. Loku kutakusita ubone kutsi ume kuphi ngobe ungachubeka utsi uyafundza kantsi uyatikhohlisa.

Cala kufundza kusenesikhatsi, loko kutawenta kutsi unghlali busuku bonkhe ufundza. Khumbula kutsi umtimba uyakudzinga kuphumula ngembikwekuyewubhala luhlolo. Kuyakusita kutsi ukhone kubuta bothishela imibuto longayivisisi kahle kusenesikhatsi, unghatitfoli sewubuta umuntfu longati lutfo lenihamba indlela yinye naye.

Nangabe utawulandzela letindlela letingenhla, tingakusita kutsi uphumelele ngemalengiso, kodvwa konkhe loku kuya ngekutimisela. Khumbula, kubamba letingelako.

[Itsetfwe ephephandzabeni, iLanga lamhla ti-15 Inyoni Likhasi 12, 2015]

SAMBA SESIGABA B: 10

SIGABA C: LUHLELO NEKUSETJENTISWA KWELULWIMI**UMBUTO 3: SIKHANGISI**

Fundza lesikhangisi lesingentasi bese uphendvula imibuto letawulandzela.

ITHEKSTHI D

GEZA EMATINYO
NGEMIKHICITO YAKA-
COLGATE



- ✚ I-Colgate yenta umlomo unukelele kahle.
- ✚ Inekhalsiyamu lecinisa ematinyo.
- ✚ Yenta ematinyo angaboli.
- ✚ Ngiyo kuphela leyenta bantfwana bahlale bajabulile.

[Itsetfwe ephaphabukwini, *i-Drum Magazine* lamhla ti-24 Mabasa 2013]

3.1 Sitsini sihloko salesikhangisi? (1)

3.2 Bhala **mcondvofana** waleligama lelidvwetjelwe kulomusho longentansi. Bhala imphendvulo kuphela.

'I-COLGATE yenta bantfwana bahlale bjabulile.' (1)

3.3 Khetsa YINYE imphendvulo. Shano kutsi letinhlavu letidvwejelwe kulomusho longentasi tikuyiphi imphambosi yesento?

'I-COLGATE inekhalsiyamu lecinisa ematinyo:

- A Imphambosi yekwentela.
- B Imphambosi yekwenteka.
- C Imphambosi yekwentisisa.
- D Imphambosi yekwentisa. (1)

3.4 Nguyiphi inkhulumo lehungako kulesikhangisi lesingehla? (1)

3.5 Nguyiphi inkhulumo letsatsa luhlangotsi kulesikhangisi lesingehla? Usho ngani? (2)


3.6 Bhala KUBILI lokukulesikhangisi lokungenta batsengi batsenge imikhicito yaka-COLGATE? (2)

3.7 Lokhangisako usebentise liphi lisu lekudvonsa batsengi labasekudzeni nesikhangisi? (2)
[10]

UMBUTO 4: IKHATHUNI

Fundza lekhathuni bese uphendvula imibuto letawulandzela.

ITHEKSTHI E



[Itsetfwe kuwww.cartoons.org.za]

- 4.1 Sebentisa libitomfakela lelikulekhathuni emshweni. Lidvwebele. (1)
- 4.2 Khetsa YINYE imphendvulo. Shano kutsi lesisho lesidvvetjelwe EFREYIMINI YE-2 sisho kutsini.
- A Kuva bantfu batihhemela.
B Kuva bantfu batihlekela.
C Kuva bantfu baticocela.
D Kuva bantfu bamemeta. (1)
- 4.3 Bhala mcondvophika waleligama lelidvvetjelwe kulomusho longentasi.
'Ungangitjeli kutsi sitsenge siph lesidulile.' (1)
- 4.4 Lungisa leligama lelikubakaki libe Siswati lesemukelekile.
'Bomakhelwane bona abayi (emicimbi) yalapha ekhaya.' (1)
- 4.5 Tsatsa lesabito selucobo lesidvvetjelwe kulomusho longentasi bese usisebentisa emshweni sibe yinhloko yemusho.
'Bomakhelwane bona abayihambeli imicimbi.' (2)
- 4.6 Bhala lomusho longentasi uvete bunyenti.
'Asitsenge siph lesidulile.' (2)
- 4.7 Tsatsa leligama lelidvvetjelwe kulomusho longentasi uvete umcondvo lowehlukile kunalowo lokuletheksthi.
sibindzi sabo ngiyasesaba. (2)

[10]**UMBUTO 5: IPHROZI**

- 5.1 Fundza letheksthi lelandzelako bese uphendvula imibuto letawulandzela.

ITHEKSTHI F**EMANTI AYIMPHILO**

Live laseNingizimu Afrika alinawo emanti ngalokwanele. Linani lebantfu lisesengemamiliyoni la 43 kantsi linyenti labo aliwatfoli emanti ngalokwanele. Tidzingo temanti tihlala tikhule njalo kantsi lamanye emanti aphephuka nemoya.

Konkhe loku kubanga tinkinga temanti eveni lakitsi. Umuntfu angatibuta kutsi ngabe bantfu bayabona yini kutsi inkinga yemanti ingakanani eveni lakitsi. Bayatihlupha yini ngekutsatsa tinyatselo tekonga emanti? Bayawayekela emanti aphume agelete agcwale umgwaco.

Ngumsebenti wetfu sonkhe kutsi sitsatse sincumo sekunakekela emanti etimani lesititfolo sikuto njengasemakhaya, emisebentini nasemimangweni lesihlala kuwo. Kungumsebenti wetfu kutsi sinakekele emanti kute sibalekele inkinga yawo esikhatsini lesitako. Umuntfu lotawutfolakala asebentisa emanti kabi akajeziswe.

Akube ngumsebenti wenu nonkhe kutsi nitfole tindlela tekonga emanti njengobe ayintfo lebalulekile'. Kusho sodolobha. Kumele sinakekele simo lesinjengasemakhaya sekuswelalakala kwemanti.

[Itsetfwe kuVulemehlo Libanga-8 Likhasi 97-98.]

- 5.1.1 Lungisa lomusho lolandzelako ngekufaka luphawu lolufanele.
Linani lebantfu lisesengemamiliyoni la 43. (1)
- 5.1.2 Sinongo sini senkhulumo lesidvvetjelwe kulomusho longentasi?
Kumele sinakekele simo lesinjengasemakhaya. (1)
- 5.1.3 Khokha sandziso sesimo kulomusho longentasi.
'Umuntfu lotawutfolakala asebentisa emanti kabi akajeziswe.' (1)
- 5.1.4 Nciphisa leligama lelidvvetjelwe kulomusho longentasi.
'Bantfu bayabona yini kutsi inkinga yemanti ingakanani eveni lakubo?' (1)
- 5.1.5 Bhala lemisho lelandzelako ulungise emagama lafakwe kubakaki.
(a) Sive sakitsi (-tsandza) konga emanti. (1)
(b) Bantfu labasebentisa emanti kabi (-jeziswa) nguhulumende. (1)
- 5.1.6 Shano kutsi lemisho lelandzelako icuketse tiphi tindlela tesento.
(a) Tidzingo temanti tikhula njalo. (1)
(b) Bayawayekela emanti aphume, agelete agcwale umgwaco. (1)
- 5.1.7 Kulomusho longentasi kusetjentiswe ligama lelidvvetjelwe, takhele umusho wakho ngalo.
'Konkhe loku kubanga tinkinga temanti eveni lakitsi.' (2)
- 5.1.8 Bhala lomusho lolandzelako ube sesikhatsini lesengca, ngekulandzela emagama ladvvetjelwe.
'Umuntfu lotawutfolakala asebentisa emanti kabi utawujeziswa.' (2)

5.1.9 Cala lomusho lolandzelako ngekutsi, Sodolobha utsi ...


'Akube ngumsebenti wenu kutsi nonge emanti.'

(2)

5.2 SITFOMBE

Fundza lesibonwa lesilandzelako bese uphendvula imibuto letawulandzela.

ITHEKSTHI G



[Itsetfwe kuBona Indlovana 2015, Likhasi 12]

5.2.1 Khetsa YINYE indlela yekufinyeta leligama lelitsi: 'dokotela' lelisetjentiswe EFREYIMINI YE-2.

- A dkt.
- B dKt.
- C DKT.
- D Dkt.

(1)

- | | | |
|-------|--|-------------|
| 5.2.2 | Khokha buniyo lobusetjentiswe EFREYIMINI YE-5. | (1) |
| 5.2.3 | Khipha ligama lelikhombisa luvelo lelitfolakala EFREYIMINI YE-1. | (1) |
| 5.2.4 | Bhala ligama lelikhomba kuvuma EFREYIMINI YE-4. | (1) |
| 5.2.5 | Bhala MABILI emagama latibonelo tetitsetso. | (2) |
| | | [20] |

SAMBA SESIGABA C: 40
SAMBA SAKO KONKHE: 80